

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA MOJA

KIKAO CHA ISHIRINI NA TATU

07 MEI, 2018



ORODHA YA SHUGHULI ZA LEO

MKUTANO WA KUMI NA MOJA

KIKAO CHA ISHIRINI NA TATU – TAREHE 07 MEI, 2018

I. DUA:

II. HATI ZA KUWASILISHA MEZANI:

WAZIRI WA MAJI NA UMWAGILIAJI:

Hotuba ya Makadirio ya Mapato na Matumizi ya Wizara ya Maji na Umwagiliaji kwa Mwaka wa Fedha 2018/2019.

MWENYEKITI WA KAMATI YA KILIMO, MIFUGO NA MAJI:

Taarifa ya Kamati ya Kilimo, Mifugo na Maji kuhusu utekelezaji wa Majukumu ya Wizara ya Maji na Umwagiliaji kwa Mwaka wa Fedha 2017/2018 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2018/2019.

III. MASWALI:

OFISI YA WAZIRI MKUU:

186. MHESHIMIWA ABDALLAH HAJI ALI (KIWANI):

Atamuuliza Mheshimiwa Waziri Mkuu:- Mfumo wa Vyama vingi Tanzania ulirudishwa nchini hata baada ya Tume ya Nyalali kubaini ni asilimia ishirini tu ya Watanzania ndio waliotaka mabadiliko:-

- (a) Je, baada ya miongo miwili na nusu ni faida gani za mfumo huo zilizopatikana;
- (b) Je, ni changamoto zipi ambazo zimejitokeza na kuwa mtihani katika suala hili la Vyama vingi.

187. MHESHIMIWA JOYCE BITTA SOKOMBI (VITI MAALUM):

Atamuuliza Mheshimiwa Waziri Mkuu:- Wafanyakazi katika Mgodini wa Nyamongo hawalipwi mishahara bali posho tu:-

- (a) Je, Serikali inasema nini juu ya Wafanyakazi hao;
- (b) Je, kwa nini Wafanyakazi hao hawalipwi mishahara.

OFISI YA RAIS (TAMISEMI):

188. MHESHIMIWA ALLY SEIF UNGANDO (KIBITI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Ufunguzi wa Kituo cha Afya Mbwera ulifanyika tarehe 27/8/1994 na aliyekuwa Waziri Mkuu na Makamu wa Kwanza wa Rais, wakati huo Mheshimiwa Dkt. John Samwel Malecela lakini hadi sasa Kituo hicho hakina hadhi ya kuitwa Kituo cha Afya:-

- (a) Je, Mheshimiwa Waziri mwenyewe haoni haja ya kwenda Mbwera kuona hali halisi ya Kituo hicho baada ya kupokea taarifa kutoka kwa wataalamu wake kuona kama kimekamilika;
- (b) Je, ni lini Serikali itapeleka Watumishi wa kutosha kwani wanaotakiwa ni 39 na sasa waliopo ni 4 tu.

WIZARA YA KILIMO:

189. MHESHIMIWA FAKHARIA SHOMAR KHAMIS (VITI MAALUM):

Atamuuliza Mheshimiwa Waziri wa Kilimo:- Zipo Taasisi bado zinaendelea kununua mazao kwa

mkopo jambo linalosababisha malalamiko kwa Wakulima:-

(a) Je, Serikali inalijua jambo hilo;

(b) Je, ni lini utaratibu huu wa kununua mazao kwa mkopo utaisha.

190. MHESHIMIWA CONSTANTINE JOHN KANYASU (GEITA MJINI):

Atamuuliza Waziri wa Kilimo:- Zao la Pamba limeendelea kupoteza mwelekeo kila kukicha na hivi karibuni mbegu walizoletewa Wakulima wa Geita hazikuota kwa asilimia 30:-

Je, ni nini juhudi za Serikali katika kutatua tatizo hili.

WIZARA YA MIFUGO NA UVUVI:

191. MHESHIMIWA MARY DEO MURO (VITI MAALUM):

Atamuuliza Mheshimiwa Waziri wa Mifugo na Uvuvi:- Shamba la Vikuge lilikuwa mkombozi kwa Wananchi wa Kibaha na Dar es Salaam kujipatia majani ya kulisha mifugo yao lakini kwa sasa shamba hilo limegeuka pori:-

Je, Serikali ina kauli gani kuhusu shamba hilo.

WIZARA YA NISHATI:

**192. MHESHIMIWA HAMOUD ABUU JUMAA
(KIBAHA VIJIJINI):**

Atamuuliza Mheshimiwa Waziri wa Nishati:- Serikali iliahidi kuwapa fidia Wananchi waliopisha njia ya mradi wa umeme wa gesi toka Kinyerezi kwenda Arusha, Awamu ya Kwanza hadi Chalinze lakini hadi sasa Wananchi hao hawajalipwa fedha zao:-

- Je, ni lini Wananchi wa Kibaha watalipwa fidia kutoka katika fedha zilizotolewa na Mheshimiwa Rais wa Awamu ya Tano, Sh. Bilioni mbili.

**193. MHESHIMIWA JUMA OTHMAN HIJA
(TUMBATU):**

Atamuuliza Mheshimiwa Waziri wa Nishati:- Mradi wa kupeleka umeme Vijijini (REA) ni mradi ambao unaendelea kwa kasi kubwa nchi nzima:-

Je, Serikali inaweza kutuambia ni kwa kiasi gani umeme huu umesambazwa nchi nzima (*coverage*) tangu mradi huu ulipoanza.

**194. MHESHIMIWA KEMIREMBE JULIUS LWOTA
(VITI MAALUM):**

Atamuuliza Mheshimiwa Waziri wa Nishati:-

Je, ni lini Serikali itahakikisha umeme wa uhakika kwenye Kata za Wilaya ya Nyamagana Mkoani Mwanza.

WIZARA YA VIWANDA, BIASHARA NA UWEKEZAJI:

**195. MHESHIMIWA OLIVER DANIEL
SEMUGURUKA (VITI MAALUM):**

Atamuuliza Mheshimiwa Waziri wa Viwanda, Biashara na Uwekezaji:- Mkoa wa Kagera unazalisha matunda ya aina mbalimbali kama vile Ndizi, Nanasi, Parachichi, Embe n.k; kwa kuwa kipaumbele cha Serikali ya Awamu ya Tano ni kuhakikisha uchumi wa viwanda nchini:-

Je, Serikali inaweza kuweka wazi mikakati madhubuti iliyoandaliwa ya ujenzi wa Viwanda vya kusindika Matunda katika Wilaya ya Ngara, Karagwe na Bukoba katika kipindi cha kuanzia Mwaka 2016 – 2020.

**WIZARA YA ARDHI, NYUMBA NA MAENDELEO
YA MAKAZI:**

**196. MHESHIMIWA VENANCE METHUSALAH
MWAMOTO (KILOLO):**

Atamuuliza Mheshimiwa Waziri Ardhi, Nyumba
na Maendeleo ya Makazi:-

Je, ni nini faida ya hati miliki za kimila.

IV. HOJA ZA SERIKALI:

WAZIRI WA MAJI NA UMWAGILIAJI:

Kwamba, Bunge sasa likubali kupitisha Makadirio ya
Mapato na Matumizi ya Wizara ya Maji na Umwagiliaji
kwa Mwaka wa Fedha 2018/2019.

**DODOMA
07 MEI, 2018**

**S. KAGAIGAI
KATIBU WA BUNGE**